

## U LUPU È U CANE

Natale Rochiccioli

In furesta di Vizzavona, un lupu puzzicosu,  
Mughjava di fame, sfiancatu è musinosu...  
Era tantu spinnatu quellu lupone,  
Chì paria surtitu da un campu di cuncentrazione.  
Scuntrò un cane cù un bellu pelu lisciu...  
Ellu accantu, paria un « stoccafisciu »...  
L'avaria datu duie dintate par mettelu à male...  
Ma cumu attaccassi à un simile animale ?  
Fece cum'è u candidatu chì vò à u riscontru  
D'un alettore ghjuntu apposta à vutalli contru :  
-Ùn ci hè male , o Sgiò Cane voi sì chì ci battite tutti :  
Avete certe cosce chì parenu prisutti.  
-Eh, bisogna à travaglià par magnà i bisticchi  
Tù vai à spassu, ma intantu magna stecchi... !  
U lupu pinsava : « S'è t'avissi arristitu in un tuvagliu,  
A ti vulia dà eiu, a teuria di u travagliu... »  
Ma ùn la pudia spiicà à issu cane tantu astutu,  
A quale forse istu prugettu ùn saria piaciutu.  
-Travagliaria cù tè...ma chì si face ?  
-Poche cose. Fà chì u patrone abbiu a so pace,  
Un mughju ogni tantu, un mursicu à l'occasione,  
Abbaghjò contr'à u merre in tempu d'alezzone.  
Alzà a gamba tutte e mane in la porta di Pasquale,  
Ci vutò contru pà u Cunsigliu Ginerale.  
-Ma...què chì hè...fammi vede appena... ?  
-Ùn hè nulla, a marca di a catena...  
-A catena? Quessu u strumentu pocu mi garba...  
Allora ùn si pò corre à daretu à l'agnelli ind'è l'arba ?  
-Corre ùn si pò, ma bisognu nun ci n'hè...  
Chì vale à corre quandu a magnuscula ci hè ?  
-Sò chjachjare. S'ellu ùn si pò corre pà isti machjoni,  
Ùn m'interessa di difende i patroni.  
Incatinatu ? Soca sò Satanassu,  
À vedeci, o Sgiò Cane. Eiu mi ne vocu à spassu...  
Signor Lupu scappò cù pocu sangue in le vene,  
Cum'è spavintatu da l'ombra di e catene.

## MURALITÀ

*U pueta canta a Libertà...  
Ma pisate questa a virità :  
A sterpa di i lupi hè spinta oramai,  
È quella di i cani hè più fiurita cà mai...*

in *Favule*, ed L'Ammaniti, 2001